

Jačanje otpornosti na prirodne katastrofe i unapređenje strategije pripravnosti - PREPS

DIREKTNI POZIV ZA ORGANIZACIJE CIVILNOG DRUŠTVA

O PREPS II PROJEKTU

Projekat “Jačanje otpornosti na prirodne katastrofe i unapređenje strategije pripravnosti” u Bosni i Hercegovini (BiH) i Srbiji – PREPS II¹, koji se finansira sredstvima Američke agencije za međunarodni razvoj – Ured za humanitarnu pomoć (USAID BHA), realizuje Catholic Relief Services (CRS) sa partnerima za Srbiju, Caritas Srbije i dobrotvorna fondacija SPC Čovekoljublje. Cilj projekta je da BiH i Srbija postanu otpornije na ponavljajuće prirodne i druge nesreće i katastrofe. Projektom PREPS II će se podstaći i unaprijediti saradnja između partnerskih lokalnih zajednica uključenih u Projekat PREPS II, mjesnih zajednica i drugih organizacija koje su u sistemu smanjenja rizika od katastrofa.

Program dodjele malih grantova jedna je od komponenti Projekta PREPS II, koja ima za cilj da mještani mjesnih zajednica unaprijede svoja znanja i vještine uključujući se u aktivnosti smanjenja rizika od prirodnih i drugih nesreća. Mali grantovi treba da imaju pozitivan efekat na jačanje pripravnosti mjesnih zajednica i njihovog aktivnog učešća u upravljanju rizicima od prirodnih i drugih nesreća.

UVJETI I PROCEDURE ZA APLICIRANJE

Kroz program dodjele malog granta, finansiraće se najbolje ocijenjeni projektni prijedlog koji dostavi:

- relevantna organizacija civilnog društva (OCD), putem kojeg bi podržala prioritetne potrebe iz predmetne oblasti.

Relevantne organizacije civilnog društva mogu u prijedlog projekta uključiti i druge lokalne aktere koji će doprinijeti finansiranju i provođenju prijedloga projekta, kao što je uspostava saradnje s jedinicom lokalne samouprave (JLS).

Mali grantovi trebaju biti od koristi za širu zajednicu i usmjereni na jačanje informiranosti, educiranosti građana, provođenju adekvatnih preventivnih mjera i mjera ublažavanja u cilju smanjenja nivoa rizika od prirodnih i drugih nesreća.

Mogućnost predlaganja projekta imaju sve relevantne organizacije civilnog društva čije su oblasti djelovanja smanjenje rizika od prirodnih i drugih nesreća kroz jačanje svijesti kod stanovništva o mogućim rizicima, sprječavanje i upravljanje rizikom od nastanka kriza, prirodnih i drugih nesreća, jačanje lokalnih kapaciteta za smanjenje rizika od prirodnih i drugih nesreća, izgradnja kulture prevencije rizika i podizanje svijesti o potrebama jačanja spremnosti i otpornosti zajednica na prirodne i druge nesreće sa fokusom na pripravnost i prevenciju, rad i promoviranje zaštite, očuvanja životne sredine i smanjenja negativnih uticaja klimatskih promjena, kao i zaštita i spašavanje.

Mali grant će se dodijeliti relevantnoj organizaciji civilnog društva čiji prijedlog ispuni kriterije i bude ocijenjen sa najvećim brojem bodova.

U slučaju da dva ili više prijedloga projekata imaju isti broj bodova prednost će se dati projektima koji:

- uključuju veći broj učesnika kroz aktivizam i volonterski rad mještana lokalne zajednice;
- OCD sa većim brojem žena i mladih u svom radu i procesu donošenja odluka;

¹ Jačanje otpornosti na prirodne katastrofe i unapređenje strategije pripravnosti” u Bosni i Hercegovini i Srbiji – PREPS II . Period implementacije maj 2023 - maj 2025.

- OCD koje kroz svoje aktivnosti djelovanja uključuju osobe sa invaliditetom.

Organizacije civilnog društva mogu aplicirati pojedinačno i dostaviti jedan prijedlog projekta, ili se mogu udružiti i kandidirati zajednički projektni prijedlog (dvije ili više OCD), **a koji će se posmatrati kao jedan prijedlog projekta i u finansijskom smislu.**

Za potrebe pripreme i realizacije projekta, OCD mogu uključiti i druge institucije, pojedince i OCD. U tom slučaju, oni ne mogu biti direktni korisnici roba i usluga, te njihov angažman ne može biti finansijski kompenziran kroz budžet prijedloga projekta.

CRS će izvršiti nabavku roba i usluga za odobreni mali grant. CRS će u saradnji sa imenovanim predstavnikom Radne grupe Općine i OCD, nadgledati provođenje aktivnosti kroz mali grant. JLS može sufinansirati realizaciju malog granta sa maksimalno 49% vlastitih resursa u odnosu na vrijednost malog granta, a koji mogu biti osigurani kroz udruživanje sredstava, osiguranje osoblja ili opreme. Ako bude potrebno JLS će osigurati neophodne dozvole za provođenje malog granta. Medijsku promociju potrebno je prethodno koordinirati i za istu dobiti saglasnost od CRS-a. Medijska promocija može uključivati izjave za medije, medijsko praćenje događaja, izradu projektnih tabli, objave na web stranicama, upotrebu logotipa projekta i sl.

Prijedlog projekta može obuhvatiti sljedeće aktivnosti usmjerene na smanjenje rizika od prirodnih i drugih nesreća u mjesnim zajednicama:

- provođenje kampanja za unapređenje i jačanje znanja mještana lokalne zajednice u prevenciji i pripravnosti na prirodne i druge nesreće i katastrofe, provođenje savremenih edukativno-informativnih i kampanja jačanja svijesti, kampanja o važnosti razumijevanja rizika, kampanja kako bi se unaprijedilo znanje o odgovarajućim radnjama i postupcima za pripremu i odgovor na događaj nesreće i katastrofe, razvijanje svijesti građana o uticaju klimatskih promjena na rizike od katastrofa, o važnosti očuvanja životne sredine i sl;
- ekološke akcije čišćenja otpadnog materijala i nanosa, šiblja i samoniklog rastinja sa obalnih pojasa korita rijeka i potoka (koje su u nadležnosti JLS);
- akcije pošumljavanja degradiranih i opožarenih područja;
- osnaživanje osoba sa intelektualnim smetnjama za reagovanje u slučaju prirodnih i drugih nesreća;
- čišćenje ili uklanjanje divljih deponija;
- nabavku opreme i sredstava koja će pomoći pri realizaciji malog granta;
- ublažavanje uticaja prirodnih i drugih nesreća i katastrofa na ranjive i ugrožene grupe stanovništva;
- ostale aktivnosti usklađene sa projektnim ciljevima i kriterijima.

Prijedlog projekta dostavljen od strane OCD treba:

- biti realiziran na teritoriji općine Čelić;
- mobilisati članove MZ na učešće (kroz volonterski rad, angažman mašine, logističku podršku, itd.);
- uključiti pripadnike ranjivih grupa iz lokalne zajednice kroz pripremu ili učešće u provođenju malog granta;
- uzeti u obzir pravilno i odgovorno korištenje prirodnih, kulturnih, historijskih ili bilo kojih drugih materijalnih i nematerijalnih resursa;
- osigurati da su predloženi troškovi realni i ne prelaze maksimalni iznos malog granta **od 3.000,00 USD (5.250,00 KM), bez** troškova poreza na dodanu vrijednost, PDV;
- ukoliko je potrebno, osigurati uključivanje JLS u realizaciji malog granta;
- uključiti kampanje o podizanju svijesti građana;
- obezbjediti da predmet prijedloga projekta i aktivnosti na realizaciji nemaju direktni ili indirektni negativan uticaj na okoliš i zdravlje ljudi². Grant treba imati pozitivan uticaj na okoliš i svijest građana.

² Pojam „životna sredina“ se upotrebljava u širem smislu te podrazumijeva ne samo ekološke aspekte, već i pitanja zaštite ljudi i pitanja od značaja za društvenu zajednicu, kao što su kulturna dobra, nenamjerno raseljavanje i uticaj na domaće stanovništvo

Aplikacioni obrazac sa budžetom je potrebno dostaviti u formularu koji je u prilogu ovog dokumenta (Prilog A). Nepotpuni projektni prijedlozi, kao i oni koji pristignu izvan navedenog roka, kao ni prijave na neodgovarajućim obrascima neće biti uzete u razmatranje.

Komisija formirana za Projekat PREPS II, će razmatrati dostavljene prijedloge projekata (što može uključivati i obilazak terena ovisno od vrste i kompleksnosti prijedloga) i bodovati u skladu sa kriterijima koji slijede u nastavku dokumenta. Nakon odabira projektnog prijedloga, rezultat će biti objavljen na web stranici Općine.

Svim podnosiocima projektnih prijedloga će se omogućiti period od 8 dana za dodatna pitanja i eventualne prigovore na odluku komisije. Prigovori se dostavljaju na adrese navedene u nastavku poziva. Nakon isteka roka od 8 dana, CRS će potpisati ugovor sa korisnikom granta. U okviru ugovora bit će definirane sve obaveze i odgovornosti ugovornih strana u procesu, uključujući eventualno novčano i nenovčano učešće JLS u realizaciji granta.

KRITERIJI ZA PROCJENU I BODOVANJE PRIJEDLOGA PROJEKTA

Eliminatorni kriteriji su:³

1. Prijedlog projekta uključuje aktivnosti na jačanju kapaciteta, smanjenju rizika od prirodnih i drugih nesreća i katastrofa;
2. Prijedlog projekta ispunjava administrativne kriterije (dostavljena tražena dokumentacija);
3. Projekat se implementira na području općine Čelić;
4. Prijedlog projekta uključuje volontersko djelovanje minimalno 20 učesnika;
5. Realizacija aktivnosti ne traje duže od 30 dana. Rok za realizaciju počinje nakon potpisivanja ugovora. Projekat se smatra završenim kada se CRS-u dostavi završni narativni izvještaj;
6. Tražene robe i usluge su procijenjene realno i u skladu sa navedenim iznosom;
7. Grant je provodiv u okviru predviđenih sredstava, vremena i ljudskih resursa;
8. Aktivnosti granta nemaju negativan uticaj na životnu sredinu i zdravlje ljudi.

Dodatni kriteriji su:

1. Prijedlog projekta jasno prezentira dobrobit za širu zajednicu;
2. Prijedlog projekta jasno dokazuje održivost projekta nakon njegove realizacije;
3. Prijedlog projekta uključuje žene, mlade i pripadnike ranjivih kategorija⁴ na odgovarajući i prilagođen način;
4. Prijedlog projekta uključuje druge aktere (pravna lica i pojedince) iz lokalne zajednice kroz volonterski rad, nabavku dodatnog materijala i slično, što se dokazuje dostavljanjem Izjave o partnerstvu sa drugim akterima;
5. OCD je za realizaciju prijedloga projekta osigurala dodatna sredstva u naturi od minimalno 10% vrijednosti budžeta malog granta (bez PDV-a)
6. Prijedlog projekta uključuje promociju projektnih aktivnosti kroz promociju malog granta.

Neprihvatljivi troškovi su:

Sredstva iz Projekta PREPS II se ne mogu koristiti za:

- sticanje profita;
- nabavku vojne opreme;
- nabavku opreme i usluga za podršku policiji ili drugim aktivnostima provedbe zakona;
- nabavku kancelarijske opreme;
- nabavku opreme za nadzor i praćenje;
- nabavku roba i usluga za podršku policiji i drugim aktivnostima usmjerene na provođenje zakona;

³ Projekti koji ne ispunjavaju gore navedene kriterije neće se uzeti u dalje razmatranje.

⁴ Pojam „ranjive kategorije“ u ovom dokumentu uključuje osobe s posebnim potrebama i invaliditetom, osobe starije životne dobi, djecu.

- nabavku opreme i usluga namijenjenih za pobačaje;
- nabavku luksuzne robe i kockarske opreme;
- nabavku opreme za modifikaciju vremenskih prilika;
- finansiranje privatnih ceremonija, zabava, proslava i troškova "reprezentacije";
- nabavku poljoprivrednih proizvoda, motornih vozila, farmaceutskih proizvoda, kontraceptivnih sredstva, korištene opreme, pesticida i vještačkih đubriva;
- nabavku robe ili usluga iz zemalja ili od snabdjevača koji se nalaze na USAID-ovoj konsolidovanoj listi zabranjenih, suspendiranih ili nepodobnih podugovarača. Lista se može naći na internet stranici System for Award Management (SAM) at <https://www.sam.gov> ili na U.S. Department of Treasury Office of Foreign Assets (OFAC) <http://sdnsearch.ofac.treas.gov/Default.aspx>;
- finansiranje prethodnih obaveza i/ili dugovanja ili kazni koje su određene primatelju granta;
- nabavku alkoholnih pića;
- finansiranje građevinskih radova;
- naknade za koordinatore projekata ispred MZ / OCD i učesnika u realizaciji malih grantova;
- provođenje aktivnosti na privatnom posjedu;
- nabavku opreme ili usluga za aktivnosti koje nisu neophodne za postizanje ciljeva granta utvrđenih kroz projekat PREPS II.

UVJETI DODJELE MALOG GRANTA

Pored navedenih eliminatornih kriterija za dodjelu granta, OCD moraju dostaviti slijedeće dokumente kojima dokazuju da ispunjavaju uslove za učešće u procesu:

- kopiju rješenja o upisu u registar udruženja i fondacija koji se vodi na nivou Bosne i Hercegovine, Federacije BiH;
- kopiju akta o osnivanju odnosno Statuta (samo dio koji se odnosi na ciljeve i djelatnosti);
- dokaz da se u okviru svog djelovanja aktivno bavi nekim od pitanja iz oblasti smanjenja rizika od prirodnih i drugih nesreća i katastrofa (spriječavanje i upravljanje rizikom od nastanka kriza i katastrofa, jačanje lokalnih kapaciteta za smanjenje rizika od katastrofa, izgradnja kulture prevencije rizika i podizanje svijesti o potrebama jačanja spremnosti i otpornosti zajednica i pojedinaca na katastrofe) sa fokusom na pripravnost i prevenciju, rad i promovisanje zaštite životne sredine i smanjenja negativnih uticaja klimatskih promjena i zaštita i spašavanje;
- dokaz da je aktivna, pregled realizovanih projekata i aktivnosti u proteklih 3 godine;
- dokaz o posjedovanju bankovnog računa.

Pored navedenoga, subjekti (pojedinci, organizacije ili njihovo ključno osoblje, dioničari, direktori ili partneri) će se automatski smatrati nepodobnim za prijem malog granta ukoliko se nađu na bilo kojoj od sljedećih popisa subjekata i pojedinaca pod zabranom:

- **System for Award Management (SAM):** (www.sam.gov) (subjekt ne smije imati aktivno isključenje);
- **The Specially Designated Nationals (SDN) and Blocked Persons List maintained by the U.S. Treasury for the Office of Foreign Assets Control, referred to as the "OFAC List"** (online at: <http://www.treasury.gov/resource-center/sanctions/SDNList/Pages/default.aspx>); i
- **The United Nations Security designation list** (online at: <https://www.un.org/securitycouncil/content/un-sc-consolidated-list>).

Prije odobrenja granta CRS će provjeriti primatelje na navedenim stranicama.

OCJENJIVANJE PRIJEDLOGA PROJEKTA

U skladu sa gore opisanom procedurom za dodjelu malih grantova, ukoliko su ispunjeni eliminatorni kriteriji, komisija formirana za projekat PREPS II će pristupiti razmatranju i ocjenjivanju prijedloga projekata prema kriterijima za bodovanje prikazanim u donjoj tabeli. Prijedlog projekta koji ne ostvari minimalno 60 bodova ne

može se staviti na rang listu. Komisija zadržava pravo da za projektne prijedloge koji ostvare minimalno 50 bodova donese odluku da iste vrati na doradu sa rokom korekcije od 7 radnih dana.

U narednoj tabeli dat je opis kriterija po kojima će se evaluirati i ocjenjivati projektne prijedlozi:

OPIS KRITERIJA I OCJENE		
Eliminatorni kriteriji:	DA	NE
Prijedlog projekta uključuje aktivnosti na jačanju kapaciteta i smanjenju rizika od prirodnih i drugih nesreća i katastrofa		
U okviru prijedloga projekta je dostavljena sljedeća dokumentacija: <ul style="list-style-type: none"> - Aplikacioni obrazac sa budžetom - Dokaz o registraciji, - Kopija akta o osnivanju odnosno Statuta, - Dokaz o posjedovanju bankovnog računa; 		
Dostavljen pregled realizovanih projektnih prijedloga i aktivnosti u proteklih 3 godine.		
Predloženi budžet projektnog prijedloga je realan, jasan i u okviru raspoloživih sredstava i sadrži pojašnjenja stavki, te je podržan odgovarajućom pratećom dokumentacijom (predmjerom radova / specifikacijom opreme, te predračunom koji dokazuje realnost procijenjenog budžeta		
Prijedlog projekta uključuje minimalno 20 učesnika		
Realizacija aktivnosti malog granta ne traje duže od 30 dana		
Mali grantovi neće imati negativan uticaj na životnu sredinu i zdravlje ljudi		
Ukoliko su svi odgovori „DA“ pristupa se daljnjoj evaluaciji		
DODATNI KRITERIJI	OCJENA	
KRITERIJ 1: PRIJEDLOG PROJEKTA JE KORISTAN ZA ŠIRU ZAJEDNICU, MAKSIMALNO 20 BODOVA		
Prijedlog projekta je koristan za građane jedne mjesne zajednice. (10 bodova)		
Prijedlog projekta je koristan za građane dvije ili više mjesnih zajednica. (20 bodova)		
KRITERIJ 2: ODRŽIVOST PROJEKTA, MAKSIMALNO 10 BODOVA		
Prijedlog projekta je održiv u smislu budućeg upravljanja i održavanja, što je jasno opisano u samom prijedlogu. (10 bodova)		
KRITERIJ 3: PRIJEDLOG PROJEKTA UKLJUČUJE ŽENE, MLADE I PRIPADNIKE RANJIVIH KATEGORIJA NA ODGOVARAJUĆI I PRILAGOĐEN NAČIN, MAKSIMALNO 25		
Prijedlog projekta sadrži aktivnosti koje će doprinijeti jačanju otpornosti i spremnosti na prirodne i druge nesreće i katastrofe pripadnika ranjivih kategorija. (10 bodova)		
Prijedlog projekta sadrži aktivnosti koje uključuju žene i mlade. (15 bodova)		

KRITERIJ 4: UKLJUČENOST DRUGIH AKTERA, MAKSIMALNO 20 BODOVA	
Prijedlog projekta uključuje učešće samo građana. (5 bodova)	
Prijedlog projekta osim građana uključuje učešće drugih aktera (lokalne firme, institucije, opština, OCD, vjerske institucije itd.) iz lokalne zajednice, u naturi (materijal, radne mašine, radnu snagu, logističku podršku). Svaki dodatni akter nosi po 5 bodova .	
KRITERIJ 5: DODATNO SUFINANSIRANJE, MAKSIMALNO 20 BODOVA	
OCD je za realizaciju prijedloga projekta osigurala dodatna finansijska sredstva iz vlastitih ili budžeta Općine. (20 bodova)	
KRITERIJ 6: PROMOCIJA PROJEKTNIH AKTIVNOSTI, MAKSIMALNO 5 BODOVA	
Prijedlog projekta uključuje jasno definisane promotivne aktivnosti u okviru malog granta (lokalni mediji, organiziranje završne ceremonije, objavljivanje na elektronskim medijima, web stranicama itd.) (5 bodova)	

SUKOB INTERESA

CRS zadržava pravo da tokom kontrole i realizacije malog granta istraži zahtjev ili grant zbog bilo kojeg stvarnog ili percipiranog sukoba interesa. Zaposlenici CRS-a ili članovi RG mogu biti u sukobu interesa ako on / ona ili druga osoba pod njegovom odnosno njezinom nadležnošću ima direktni ili indirektni, lični, finansijski ili neki drugi interes od ishoda postupka dodjele granta kao što su dodjela, izmjena ili prestanak granta. U slučaju da CRS utvrdi postojanje sukoba interesa, Komisija za dodjelu malih grantova može diskvalificirati prijedlog projekta ili ukinuti dodijeljeni grant.

OBJAVA POZIVA LOKALNIM OCD

Poziv je otvoren od dana objavljivanja, 15. 8. 2024. do 10. 9. 2024. godine. Aplikacije koje budu pristigle poslije navedenog roka neće biti razmatrane. Poziv za konkretnu podršku će biti objavljen javno i transparentno na općinskoj web stranici.

Aplikacioni obrazac sa budžetom i detaljnije informacije o dodjeli grantova dostavljaju se uz ovaj poziv CRS-u. Sva pitanja i pojašnjenja koja se tiču ovoga poziva za male grantove trebaju biti dostavljena na e-mailove: dzennana.memisevic-panjeta@crs.org, semir.macic@crs.org, nera.haljevac@crs.org.

OCD trebaju dostaviti popunjen aplikacioni obrazac (jedan printani primjerak), te ostale zahtijevane dokumente navedene u pozivu i to poštom u zatvorenoj koverti ili skenirano na gore navedene e-mailove sa naznakom ili predmetom "Aplikacija za dodjelu grantova za (naziv OCD), Općina Čelić- Projekat PREPS II" na adresu:

Catholic Relief Services (CRS)

Zagrebačka 18,
71000 Sarajevo